

Хало одоблари (биринчи мақола)



17:00 / 27.12.2020 2425

1. Қазои ҳожат қилмоқчи бўлган шахс Аллоҳ таолонинг исми ёзилган, шунингдек, малоикалар, Азиз, Карим, Муҳаммад, Аҳмадга ўхшаш улуғ исмлар ёзилган нарсаларни ўзи билан бирга олмаслиги керак.

لَخَد إِذَا مَلَسَ وَهِيَ لَعْلَلِ صَيَّبَنَّ لَانَكَ لَأَقُ هُنَّ عُلَلِ لِيَضْرِبَنَّ أُنَّ ع
هُنَّ سَحَوْ وَيَذْمُرَّتْ لَأَوْ دُوَادُ وَبَأُ هَاوْرُ هُمَّ تَأَخَّ عَزَنَ أَلْخَلِ ل

Анас розияллоҳу анҳудан ривоят қилинади:

«Набий соллаллоҳу алайҳи васаллам халога кирсалар, узукларини ечиб қўяр эдилар».

Абу Довуд ва Термизий ривоят қилганлар. Термизий ҳасан деган.

Маълумки, Расули Акрам соллаллоҳу алайҳи васалламнинг узукларида «Муҳаммадур-Расулуллоҳ» деган ёзув бор эди. Подшоҳларга мактуб юборсалар, ўша узукни муҳр қилиб босар эдилар. Узукда Аллоҳнинг исми ёзилган бўлгани учун ҳам халога кирганларида уни ечиб қўяр эдилар. Шунга биноан, Аллоҳнинг исми ёзилган нарса билан, айниқса, Қуръон билан халога мутлақо кириб бўлмайди.

2. Оёқ ва бош кийими билан, истинжо қиладиган нарсаси ва сувини тайёрлаб олиб кейин халога кириш керак.

3. Халога кирганда аввал чап оёғини ичкарига қўяди ва Расулуллоҳ соллаллоҳу алайҳи васалламнинг қуйидаги ҳадисларида келган дуони ўқийди:

لَا حَرَّ إِذَا مَسَّ وَهَيْلَعُ هَلَلِ الْيَمِّ لِي صَبَّ النَّارُ أَكْ؛ لَأَقُوهُ هَلَلِ الْيَمِّ صَرَّ سَنَانُ ع
هُسْمُ خَلِّهِ أَوْرَ، ثِيَابِ خَلِّهِ أَوْ ثُبُخْلٍ أَمْ كَبُ دُوعُ أَيُّنِ مُهَلَلِ؛ لَأَقُوهُ خَلِّهِ

Анас розияллоҳу анҳудан ривоят қилинади:

«Набий соллаллоҳу алайҳи васаллам халога кирсалар: «Аллоҳумма инний аъзузу бика минал хубуси вал хобаиси» - «Аллоҳим, Сендан эркак ва урғочи ифлослар (шайтонлар)дан паноҳ тилайман», дер эдилар»

Бухорий, Муслим, Абу Довуд, Термизий ва Насай ривоят қилганлар.

Ушбу дуони хало очиқ жойда бўлса, қазои ҳожатга тайёрланаётган вақтда, махсус жойда бўлса, унга киришдан олдин ўқиш керак. Чунки Пайғамбаримиз соллаллоҳу алайҳи васаллам бу дуони доимо ўқир эдилар.

Эркак ва урғочи шайтонлардан паноҳ тилашнинг ҳикмати шуки, одатда, хало жойида Аллоҳ таолонинг номи зикр этилмагани учун эркак-урғочи шайтонлар у жойни ўзига қароргоҳ қилиб олган бўлади. Аллоҳ таолодан паноҳ сўрамай кирган одамга улар зарар етказишлари мумкин. Шунинг учун ушбу ҳадисдаги дуони ёдлаб олиб, халога киришдан олдин ўқишни одатга айлантириш ҳар бир киши учун зарурдир.

لَأَقُوهُ هَيْلَعُ هَلَلِ الْيَمِّ لِي صَبَّ النَّارُ أَوْ سَرَّ نَأُوهُ هَلَلِ الْيَمِّ صَرَّ سَنَانُ ع
لَوْ قَيْ نَأُوهُ خَلِّهِ أَمْ دَحْ أَلْحَدُ إِذَا مَدَّ يَنْبَاتِ أَرْوَعُ وَنَجْلِ نَيْغُ أَيُّبِ أَمْ رُتْس
دَمْحُ أَوْ يَذْمُ رَّتْ لَأُوهُ هَلَلِ الْيَمِّ صَرَّ سَنَانُ ع

Али розияллоҳу анҳудан ривоят қилинади:

«Расулуллоҳ, соллаллоҳу алайҳи васаллам: «Жинларнинг кўзи билан одам боласининг аврати ўртасидаги тўсиқ - улардан бирининг халога киришда «Бисмиллаҳи», демоғидир», дедилар».

Термизий ва Аҳмад ривоят қилганлар.

Одам боласи халога киришдан олдин «Бисмиллаҳ»ни айтса, бу унинг авратини жинларга кўрсатмайдиган тўсиқ бўлар экан. Уламоларимиз иккала ҳадисни жамлаб, халога кираётган одам: «Бисмиллаҳи, Аллоҳумма инний аъзузу бика минал хубуси вал хобаиси», дейиши керак, дейдилар.

4. Халодан чиқаётганда эса, қуйидаги ҳадисга биноан «Алҳамду лиллаҳиллазий азҳаба анний ал-аза ва аъфаний» дейди.

نَمَجَرَخَ إِذَا مَلَسَ وَهِيَ لَعْلَلْ لِي صَيَّبَ لَنَا نَاكَ لِقَائِكُمْ لَنَا نَبَسْنَا نَع
هَجَامُ نَبَاهَا وَرِيْنَا فَاغَوْ دَالِ يِّنَعَبَهُ دَالِ هَلْ دُمَحْلًا لِقَائِكُمْ لِقَائِكُمْ

Анас ибн Моликдан ривоят қилинади:

«Набий соллаллоҳу алайҳи васаллам халодан чиқсалар: «Алҳамду лиллаҳиллазий азҳаба анний ал-аза ва аъфаний», дер эдилар».

Ибн Можа ривоят қилган.

(Давоми бор)

«Олам ва одам, дин ва илм» китоби асосида тайёрланди